

купити, и не ста противу царя на бои, и поиде князь великий со княгинею и з детьми своими на Кострому, и тамо хотя съжидатися.

В то же время бысть на Москве некоторый князь литовский; приде к великому князю, хотя служити ему, имянем Остей, внук Олгирдов; и укрепи люди и затворись в городе Москве. А князь Олг Рязанеский царя обеде землю Резанскую, и приведе его к реце Оке, и броды указа. Царь же перебрете реку Оку, и взя град Супроков, и поиде к Москве. И приде под город месяца августа в 23 день и ста у Москвы города. И некоторый гость москвитин именем Адам и позна царева воиводу, ездяща возле ров, и наметив его з города, и застрели его в горло, и пад воивода с коня и умре, и царь печален бысть.

И приступи к городу, а с ним 2 князя Суздальския, князь Василеи да князь Семен Дмитриевичи, шурья великого князя. И учили кликати на город: «Не на вас царь при шел, но на князя великого Дмитрея Ивановича, что не дает ему выхода; а вас он хочет жаловати и не хочет у вас ничего; а земли своея не хочет пустошити; идет царь за великим князем, а у вас не хочет чести; изыдете противу царя с честью». На том слове князь Семен Суздальский снем с себе крест и целова москвичем. Они же, не узнавше татарские лести, и изыдоша против царя со кресты и иконами священники, и по них народ, и царь Тахтамыш повеле сетчи их, игуменов и попов, и дияконов, и чернцов, и черниц, и весь народ, а князя Остея во Фроловских воротех убиша. И татарове шиблись в город, и пречистую икону святую и кресты попраша ногами, и святые иконы одраша, и сосуды святые поимаша, и церкви разориша, и вся люди изъеекоша, а иных в полон поведоша месяца августа в 26 день. И роспусти царь силу свою по всей Росии. И пришедше татарове, взяша град Переславль, а переславцы утекоша на озеро и там избыли. А иные тотарове Дмитров взяли, а иные Юрьев Польский взяли, а иные тотарове шли на Волок Ламьский а князь Володимер ополчися, и ударися на них, и поби их 6000.

Царь же, слыша, и убояся и поиде ко Орде, и взя город Коломъну. Идучь, и Рязанскую землю всю повоива и пожже, и в полон поведе, а князь Олг у царя убежа, а князь Василе[и] да князь Семен Суздальския со царем идоша во Орду. А князь великий Дмитриеи Ивановичь приде к Москве с Костромы, и виде мертвыя лежаща, а град Москва сожжен, и нача давати от погребания мертвых от сорока по полтине, и сочтоша того: 300 рублей дано, и сочтоша мертвых 20 000 и 4000.

Князь же великий разгневался на князя Дьмитрея, на тестя своего на Константиновича Суздалскаго и на его детей, на князя Олга Рязанскаго, и не помнозе рать посла на Рязань, и повоева, и пожже, и в полон поведе.

Вот такие дела. Только выразил царь желание пойти с инспекцией на Русь, как тут же у него оказались в помощниках и проводниках князья рязанские и суздальские, потому что давно точили зубы на